

知
足
齋
詩
集

知足齋詩續集目錄

第一卷

甲子

澄江翕河歌

恭和

御製仲春經筵元韻

恭和

御製幸翰林院錫宴禮成復得長律二首命諸王及分
字諸臣和韻元韻

御書天祿儲才匾以摹勒本恭懸翰林院署而以

宸翰賜

臣

珪祇領永爲家寶恭紀

駕幸翰林院

命諸王大臣用張說詩分韻

臣珪得調字

聖駕臨幸翰林院禮成恭紀四言詩百有八韻

謹序

喜曾姪孫庭桂入泮

小園生意

爲七言長句柬崇如曉嵐樹峯覃溪四公用庚申

季秋望後三日覃溪丁卯同年小集五古韻

化理

恭和

御製齋宮夜雨

四月四日元韻

次洪桐生太守退思軒觀芍藥由極樂寺而歸韻
送孟鷺洲廷尉致仕歸中

仲夏九日自申至戍大雪雨誌喜

蜀葵倚牆一株脩嫵獨出其旁丹豔扶之酡顏醉
頰淨濯雅嫺賞以酒而贈以詩

平旦

恭和

御製停獮紀事元韻

寒露

恭和

御製成都將軍內大臣侯德榜奏報蕩除餘匪三省
肅清詩誌感慰元韻

詠唐裴士明

謂

冬日刪詩

題蔣曉堂前輩四時讀書圖次元韻

井序

題方葆巖中丞青溪放櫂圖

讀大學二首

讀太極圖說

讀西銘

讀顏子所好何學論

讀定性書

讀金剛經

讀常清靜經

讀胎息經

臘八日喜雪

是日申時雪至夜半止積三寸餘明日繼作

讀柳河東集

紅茶

蠟梅

天竺

海棠

淺紅梅

素碧桃

改歲劉石菴相公

八十

紀曉嵐宗伯

八十

王惺園

相公

八十

徐樹峯宗丞

八十

盤陀居士

七十

共四百

四歲訂于正月四日作五老會先紀以詩

嘉平廿四日送詩彙代柬而石菴無病長逝矣壽

終八十五前會竟不可踐傷哉哭之以詩

二十六日辛巳

御書大福字于

乾清宮

賜

臣

珪恭紀

讀文藪

第二卷

正月六日翦蔬煮茗約紀曉嵐宗伯王惺園相公

徐樹峯宗丞德潤齋豕宰小集知足齋作五老會

再賦五詩

人日

和戴蓮士尙書元旦試景星慶雲硯作

硯爲高宗
朱文端公

舊物

哭王偉人宮師

十一日同人小集古藤書屋感舊興懷慨焉有作

獨游極樂寺

上元卽事

恭和

御製上元燈詞元韻

極樂寺僧再送唐花四盆作後唐花曲

早起坐書屋東齋

恭和

御製題石君大學士知足齋詩集用集中嘉慶元年七

月內連奉 廷寄

恩旨命珪來京將授爲大學士恭紀四首詩韻元韻

二十七日謝

恩

召見于

乾清宮東煖閣 奏明卽日恭謁

裕陵是午啓行晚宿通州夙興再疊前韻恭紀四首

宿邦均

獨游薊州獨樂寺禱雨大士閣

二月朔旦謁謝

裕陵恭紀

祈雨得雪志喜

曉行

二月四日偕紀曉嵐同年翰林院上任作

命充會典及國史館正總裁恭紀

長新店送王文端公歸旄

展拜先壟

送王文端公喪至長新店吳編修

裕德

汪學士

滋

嶠費掌科

錫章

留宿店中爲經紀其家事感而賦

之

塔游歌廿五韻贈戴東山編修

哭紀曉嵐參知

移根

解擗

廿三日度輦兩相公戴大農英少農趙銀臺邀劉
長沙參知暨予於近光樓卽事

種樹

顛風

乙丑春闈次聚奎堂壁間明王衷白先生韻二首
柬同事諸公

喜雨

閒吟

五色薔薇

趙謙士擢少司馬詩以賀之

溫步容司成爲蓮花壽作歌

南榮開軒

紅蓼

檉柳

悼姪孫富興

患瘍

美人焦

晚香玉

贈張明府

嵩

牽牛花

分芍藥

閨晚

西山拜先塋

滋晚

芟蕪

微雨

卽景口占

恭和

御製出山海關作元韻

恭和

御製廣寧道中元韻

八月十二日庚戌同人餞送王芷堂侍御

治模於

陶然亭邀予在坐時芷堂出守雲南

贈姚封君采章

吉士原
絳尊人

送賈金臺指揮

銅佐郡施南

余考功

本敦

屬題琴鶴朝天圖

井序

第三卷

恭和

御製

昭陵石馬歌元韻

恭和

御製長寧寺恭瞻

太宗皇帝所御冠服恭依

皇考元韻元韻

九日餞席作

題鄉關乘傳圖爲周東屏侍郎作

恭和

御製恭依

皇考望醫巫閭山三依

皇祖元韻元韻

十二姪錫爵拜授淮安知府之

命恭紀

蒙

恩賜堪達漢搬指恭紀

時第三曾孫生名以貫林卽寓桑弧之意

聖駕東巡

盛京祇謁

祖陵禮成恭紀

用風雅頌目爲五言
四十章章十句謹序

十月二日率獻冊諸臣詣

神武門謝

恩恭紀

古意二首

鶯發

恩賜元狐羈袍恭紀

送宋于庭孝廉

翔鳳

省親之大定

門人簡
之子也

恩旨七十以上曾賞令紫禁城騎馬之一品大臣准自
製兩人舁擡小椅乘坐進內恭紀

送鮑雙五中允

桂星

典學中州

奉

敕恭賦白雉擬古樂府

送周石芳侍講

系英

典學四川

三戒詩

恭和

御製仲冬廿七日大雪詣 雍和宮拈香卽景成吟用

蘇軾雪後書北臺壁二首韻命諸臣和之元韻

除夕

第四卷

蒙

賜明程嘉燧溪山小景謹題

南軒

驚蟄

二月十八日

召見恭紀

玉蘭素木筆也淡而豔有翰墨香

又詠玉蘭

紅梅

素碧桃

啓審

十八日取道灰厰過石佛至戒壇

羅喉嶺

潭柘

題趙夢白先生手蹟

喜裴子光學士

謙

力疾枉顧

漫與一首

烟郊行宮

召對恭紀

圓河

我思

八藤

恭和

御製將軍賽沖阿奏報舟抵臺灣搜捕餘匪情詩以誌事元韻

四月初日牛農曹

坤

邀予游崇效寺牡丹已過芍

藥未開向惠林上人索觀拙菴紅杏青松卷題者甚夥王漁洋朱竹垞查初白皆有手跡此卷康熙庚午歲作百二十年物矣亦可寶也

新筍

午憩

題方容齋編修

振湖光山色圖

喜十二姪錫爵自淮安守入京謁予直園

詠薔薇

十九日薄暮喜雨

好雨竟夜

題無錫元華都事子舉妻陳孺人貞節堂春草軒

補圖卷

宋廉使

錄

以母老陳情改任京堂詩以奉賀

至道

疏花

謙士少司農惠枇杷

聞徐誠甫讓宅與姪世枚喜而有作

聖人

池南三首

燕巢

平路

寄生

蒨雜花

蒙

賜董四墓桃恭紀

避雨獨坐 南書房感于耐圃王白齋梁瑤峯彭
芸楣諸公舊蹟

蒙

賜鮮荔支恭紀

題明沈石田評硯圖軸爲萬和圃侍郎作

碧山草堂吟社卷爲秦小峴大京兆

瀛

題

卷爲京兆先世

修敬先生遺蹟

遂園禊飲圖再爲小峴京兆題

京兆爲東海所自出

喜晴

二十八日

恭和

永佑寺後樓瞻禮敬述元韻

種菊

恭和

御製創業齋元韻

恭和

御製曉行尋園卽景元韻

重陽後三日訪毓吏部

通

別業賞菊

恭和

御製命大學士朱珪扶杖入朝詩以紀事元韻

二十一日

召見

讀張中丞傳後敘

此予前丙寅少作也
記憶不全偶爲補之

黃葉滿徑一埽清疎惟露菊英長春青松翠柏綠
竹感而有詠

沈香枯片

姪錫爵蒙

恩調補江寧知府且奉

褒嘉竝

諭作書以家戒勗之恭紀

偶作

賀王蓮府宮尹

宗誠

並呈尊人春浦大宗伯

懿修

蒙

賜石華魚恭紀

十三日丙辰

南郊禮成恭紀

小寒

芻獻二首

知不足齋詩續集目錄

知足齋詩續集卷第一

甲子

大興 朱珪 石君

澄江翁河歌

銀潢天稷溯發源注爲兩界岷崑崙分之四瀆合爲二
南江北河浩無壘九江三江匯入海黃河沙石流奔渾
隄高岸頽一摧裂縱橫潰溢漂千邨人工挽回始大禹
載之大陸疏九鯤賈讓三策取其下以土防水竹石爲
鬼祇龍蛟助神力魚頭赤子呀嚙螭去年衡口北壘決
疊臣河督憂司存郵章上達

宵旰急危言日出芻蕘論疇咨執兩因勢順四牡星使

勤周爰嗟我贊襄苦無術仰承

天意甦元元合龍早報旬日內先期弦望升疆益翕河
底績誠可感馮夷從令惟

天恩

恭和

御製仲春經筵元韻

雪晴晄潤凌郊勻

念典陳經進侍臣庠序明倫申孝弟度支節用屏奇珍
書全四庫觀淵海雅奏三雍宴旨淳早晚河平應報績
草風從欲化循循

恭和

御製幸翰林院錫宴禮成復得長律二首命諸王及分
字諸臣和韻元韻

聖人入室早升堂不隔高深數仞牆文行教兼才德選
君師統備事言揚蓬瀛人羨觀於海雲錦天垂倬有章
盛典不須誇壁府

兩朝禮樂邁虞唐

甲子披圖訪洛年

文明

文思紹開先緝熙典學榮稽古賡載陳謨慶集賢梁棟

光懸

龍斗字宮商聲叶鳳皇弦飲醇加賚

恩無極夙夜寅承

德意宣

御書天祿儲才匾以摹勒本恭懸翰林院署而以

宸翰賜

臣

珪祇領永爲家寶恭紀

然藜奚啻重傳經爲育英才獻

紫廷心正方期筆自正德馨不獨爵惟馨

親濡尺幅龍噴墨

特賜絲言乙照青臣捧

榮光慙毫及顧祈

陶鑄發新硯

駕幸翰林院

命諸王大臣用張說詩分韻

臣珪得誦字

嘉會際

昌期承

光領侍從親切

堂廉淡渥醲

膏露重拜颺慙益皋左右忝頡誦蹇步循牆恭鼎足覆
餽恐竊聞厠清華才品兼體用敢以賢士多敬爲

聖主頌

聖駕臨幸翰林院禮成恭紀四言詩百有八韻

謹序

天佑我

大清紹衣

世德丕顯丕承揚

光定烈俾誠和於區夏日月重華燾被四表

皇上羹牆

考志穆穆繩繩

面稽心接動後靜洽惟嘉慶八年武威旣蒞穆然畢然

曰惟

天惟

考昭祐予一人俾既厥事惟偃武修文光我

考德以洪億載丕丕基

嗣丙同元後甲用九昔舜紹堯誕敷文德在璿璣玉衡
以齊七政觀天文也烏火虛昴承堯殷正煥乎爛
兮垂衣觀象觀人文也鸞車泰尊兩敦五瑞之玉
三辰之旗九章之服絺繒采色以文其禮五聲八
音六律六間下管上歌兩階干羽鳳皇來儀以文
其樂厥時羣后德讓於朝八伯拜手歌慶雲之章
五官之屬二十有二人蒼舒隤敦檮鉞大臨之才

一十六子和九磬詠七始僉曰元首濬哲文明協
帝文思百官昭明黎獻時舉闢五明達四聰庶績
康哉自時厥後有周文王伐崇伐黎臨衝訊馘靈
臺池沼百年而文在茲武王繼志成王不敢康以
孚其德濟濟多士敦琢雲漢周官三百六十六卿
各帥其屬預魚藻鳧涇之樂聞雲門孤篳之音天
保定爾介五福綏萬祺三揖合稱曰儀刑文王萬
邦作孚

皇帝灋

考屆於熙期惟九年甲子歲二月癸亥朔遡章憲儀

幸詞

臣

署大合樂宴諸王大學士九卿科道之由翰林

晉者詹事學士庶子講讀中贊編檢庶常吉士廣
詩奏賦三十八人又二百人前期庀工樸斲丹雘

詒庭

題楹麟儀鳳師仰觀

天文人思樹品士慮無才弗克供使休明潤色鴻業昧
爽鼓徵

天臨鑾從步於玉堂

帝庸作歌休哉舜法堯典周孚文儀未有若斯之盛者
也

臣

夙直

禁廷親炙

天光觀茲 嘉會謹拜手稽首獻

法

考觀文宣化之詩其詞曰

皇帝承

考敷祥蕩霧宥密欽

天黃幄珠嶺龍垂九光蜩蜩螭螭仁挺草菌德連木菜
太晉英威大幣元纁施於

天章若霓垂雯自我民視

鑒觀有闡我苗無莠我草惟薰釋櫜晏寢投戈畫耘癸
亥偃武甲子興文昔我

聖考 先師釋芹

臨翰林院鼓徵大昕扈罕豹尾金鉞班駁率由

舊典式宴雅羣我酒旨栗我肴膳廬房烝豕臠俎折俎
贄瑤觥

命醕仰承

帝云若唐房杜經傳河汾若漢東馬銅門佩纁良金作
礪吉玉磨紋

帝座蓬萊衆仙曳褱

五三

聖製后經郢斤

味餘全集什襲錦帔陳詩三百攬雅頌殷漢七句聯唐
五韻分

天容有睟

臣

歌飽熏弱水方流滌滢溶汙池上碧樹山

前翠蕢五經博士若弟子員環觀桂栢

天車礪礪文氣大昌

帝俞而欣

文政采采

文言闡闡憶昔

授玉

訓承

考祐非我之勤壁峙於野巢搜其害盡殄由藥豈有子
厘鋒藏鈇鋌弓解角筋犀甲載檻虎皮韜種捷旗偃伯
兵車歸轅八載

廟謨成此

烈勦箴官毋曠憂民孔僅

鳳書卻貢雉裘付焚芻蕘誘狂投匭紛紛近灑沽淀遠
又沱潰糜舖鴻磬衣被龜駝貸種禾麥資生泉贖擢有
守吏其清芬教陋規例下無隱瘡

詔收清漕若田去貽俾有倉廩粟山負蠶俾有雞豚犁
耜茹葷山取豨豕水取魴鯪

皇帝

郊柴誠通蒿焄我將我享維惇維粉

皇帝謁

曉霜履露祔瞻松容愜落椀淚湏

廟祀孔夙時薦有賁煌煌

實錄姬古皇墳四庫舊韻

十全珍儻歲歲十年藜光繼曛

皇帝恤刑好生氤氲以秋颯肅寓春陽燼

家法大獮武列灤灤木蘭射鹿淺草蹂蘄施六盟惠暗

羣吠狺

皇帝典學淵海無垠

書室頒綬

經筵垂綬八年

集富繕管裁貲

皇帝敦睦若吹簫
宗擢科甲士翹莢
羣臣鳴颺若
音擊鳩萃萃華藻
庚壁彰薪標廣額
楫樸櫨櫨

聲教表訖西沙東
鄞千篇奏

御連軫壓幘俊人
仰流鱗集紛紜化
承軒皞學溯嬀姁
家握隋珠詩香杜
益烝烝魯藻臚臚
周堊游麟在椒瑞
鷺翔翥三千七十
沐泗斷斷拜

賜琅簡讀沫流齷

重麗宣

光文治景圻惟

天呼吸無聲臭粉惟民寒煥若保赤勲必世儲材松柏
榆枌圭璋廉隅勵品塲圻敬賡

帝作颺言載訢行僚忠信可喻饕餮四年首
召五夜編芸岷流宗海太室導滌

守虛抱蜀若谷嘯號是乃

天道三寶在蘊萬年

心鏡

榮光晝壺

喜曾姪孫庭桂入泮

芹香傳五世又見子衿青詎是池中物爭看劒發硎吾
衰能放杖汝穎好貽馨莫羨金簾滿還期授一經

小園生意

西華我 賜宅東園小樹花荏苒五六年漸覺生意賒
桃梨發紅白雜蒔高下葩我歸近兩旬早晚分塋麻薈
除窳荒穢火耨諸枯植時時爲灌溉壘壘抽蘗芽好雨
滋霑霖妍鮮吐萼華左右二十株疏密間整畝此如糞
心只勿使莠亂嘉吾將通西園丁寧子播畝

爲七言長句柬崇如曉嵐樹峯覃溪四公用庚申
季秋望後三日覃溪丁卯同年小集五古韻

五人三百九十一五十八年如掣影當年秋雨霖正施
今日春明夢欲警四皓偶坐商山翁同丁先甲差池整
東閣郎君行馬尊官貴誰能問殮鼎吾儕聊作一日歡
通門不距三台省卯金下招太乙老不杖青藜光耿耿

崇如今年

八十五

宗伯

曉嵐

自歎吾衰矣健啖猶吞肉佐茗宗丞

樹

峯

望八最矍鑠錦綳呱呱會湯餅鴻臚

覃

獨抱鄭經神

三歲齋芝耐官冷嗟我素餐媿無魚鋪糟啜醢師屈郢
勿嫌辰歇到午遲會難別易燭可秉不見階前棠棣枝

譬諸臭味華附竝東坡嘉祐詩和鼃歐陽叔弼風思穎
從今何用三逕開排闥呼樽疊造請賞音藥茗香滿籬
賡韻連翩筆脫穎

化理

雀入水爲蛤雉入水爲蜃陰陽有循環化理孰推準所
以意得人知牡守其牝江海下百川萬動方蠃蟀相視
默已存獨笑不至矧大空無畱形屈伸交蠓螟螭滅觀
其生羊奚比不罽

去者爲尸居來者爲鯀魚我心如磐石彼志如雲攄石
根雲出入揚袂隨卷舒流珠親金華明月顧蟾蜍九轉

從一陽誰爲戴石礪我方臨逝水不舍何如如觀河亦有性不皺同其初

恭和

御製齋宮夜雨

四月四日元韻

翁河旬日奠龍宮好雨滂沱角宿中二麥正秋宜我稼
三巴洗甲唱其濛星從畢好暘時若靈應

雩郊歲屢豐以報兼祈彌疊疊終朝乾惕厪

宸衷

次洪桐生太守退思軒觀芍藥由極樂寺而歸韻
天女圍座敷天葩清和而月留春華將離半開七十朵

牡丹之娣禮矣花紅妝不冝耀朝日素魄偏欲搏霄霞
我方默觀品香色誰搓萬片瓊瑤沙長春助豔艷如火
玉顏淨濯思無邪箇雲空中下俯瞰夜夜來往凌褒褭
欲天已空不滿抱眊眊荒爾賴尤嘉桐生蹢躅禁不得
直擬果擲檀郎車花魂如玉我如鏡明月相照無疵瑕
歸游極樂印曇鉢摩耶佛住誰爲家

送孟鷺洲廷尉致仕歸中江

四十五春桃李舊同林十株三翹秀方伯

陳東司空

蔣

園相繼摧歲寒誰比喬柯壽嗟君本是梓州材百園檻

木中江栽鸞鳳棲枝香葉老鶴鴻顧影桑榆回巫山高

高插井絡燕雲飄渺歸翎弱遲君暫作十日畱送君聊
進千鍾酌浮名去水東滔滔黃花晚節韓與陶田園不
減畫錦樂延平自覺于門高吾衰甚矣足窘步夢游猶
識雲中路豁眸一笑君歸歎指點蒼霞翠微處

仲夏九日自申至戌大雷雨誌喜

聖皇咨其雨至誠積已久辛巳謁龍潭步級禱黑湫
天陰解以風及旬離畢爵月行交北道辰星會嘉偶雲
雨旁朔施崇朝始于丑閒作膏詎屯六日再潭飲
溪宮籲

慈仁

三壇眞主卣甘露降丙申雷鼓殷丁酉咸速感

諸天有孚應盈缶農歌達郊衢澍渥傾漿酒聽淙晡逮
宵賽

澤光

媼后從茲三日霖如願豐咳畝

蜀葵倚牆一株脩嫵獨出其旁丹豔扶之酡顏醉
頰淨濯雅媚賞以酒而贈以詩

蜀葵競襪華東牆獨修嫵我初未顧眄非關窈芳姁有
告我者言君何惜跬步咫尺挺國豔翠袖倚薄暮我試
扶筇觀驚歎明霞暗頽然映凝脂玉立遶朱鷺汝雖羣

婉孌林下美無度
瑤姬挾清揚月姊
袂絢素醉汝酒一
卮歌詩與鳳唼

平旦

平旦坐中庭氣志升清陽
俯襲花露潤遠通日月光
賓三微始霞上迎暎桑空
虛鍊泥丸赤嬰游無方壺
壺抱吾一活潑鵬鵬翔我
本淡無心至妙不可詳孔
老契不言熱然形神忘

恭和

御製停獮紀事元韻

卽鹿卽詰戎懷遠非獵具
九圍控中外三驅顯比固

家法垂裕渙

謨烈斯當務木蘭歲秋獮朔野爽金素旌旂肅塞山虎
旅逮追捕中黃懸大纛四藩聆

德諭斧斤空山林熊麋遁曠路關外馬嘶肥莽蕩禽鮮
遇

周諏得其情懲誠非細故牲牲失原羣濯濯歎山樹
渙號示休息鳩僦罷召募動植待蕃廡盈虛徵理數前
禽懷仁恩守捉嚴戒懼時哉

大典舉樺嶺萬騎驚由豫順以動知臨欽

皇度武列秋水澄

文園春膏布數典更卽事徘徊增

孝慕競綵措合立恆需舉豈誤遐邇來享王

威德共感怖記事式

皇言大猷傳臚句

寒露

冬至七日復寒露當觀賓以辟卦直月先後差半輪乃
知泰之交雨水非立春萬化靜有動時生炁之眞與時
偕蠢覺天地方氤氲君子清其心順逆旋機循慎獨卽
亭育道日龍雷神歸來尋眞我無極渙淵齋

恭和

御製成都將軍內大臣侯德榜奏報蕩除餘匪三省
肅清詩誌感慰元韻

十載兵今洗三邊勳竟酬履霜方上告寒露正深秋誠
感

中心格思先天下憂

吳孚與

欽念一息自下周

詠唐裴士明

誦

聞喜有著姓舊德裴尚書士明性通綽克紹賢父謨思
明呼郎君詭跡非羞汙陰緩宗室獄全活王孫疎虛實

疏于朝事世幾遭屠徒步挾印謁代宗歎且吁疾風知
勁草何愧五大夫召問推酤利不對思民劬仁義陳先
務動色天子俞保全社稷功直奏尙父奴慷慨獄官箴
奚取刀筆徒五世爲河南側坐避正居不鞠人以賊忠
厚傳楷模竹林賢相度清風起穆如諸爲晉公猶子行
卒于貞元九年
七十五贈禮部尙書
時稍先于晉公也

冬日刪詩

扈言如繁葉霜風埽榛蕪憶初下筆時但恐枝華枯偶
然一檢擇多文不如無芟之須割愛實事棄土苴從今
戒安語庶幾少誕誣

題薄曉堂前輩四時讀書圖次元韻

并序

曉堂編修爲乾隆壬戌前輩令子霽園少司空
庚辰禮部試出尋門撤闌後謁金海住顧息存
兩師皆賀我得人曰此吾同年友曉堂之子也
今霽園歸道山爰亭太僕出是冊屬題乃知其
家淵源令曾祖進士公諱萬禩中康熙乙未會
試蓋甲科四世也積善勤學之報不亦信乎

三年不窺園三春或駢武讀罷試舉帷蟾光正當午花
陰香襲衣誰領春風主

芙蓉開方塘流水漲盈岸柳陰羃空垂奇峯出天半時

有飛鳥過鳴蜩或相喚

柿葉殷有色白酒樽不虛枕流時復臥栩栩情自攄三
徑跡未埽吾亦愛吾廬

樹空風尚籟火傳炭自堅偶讀周易彖隱然心見天四
世舊清蔭此理悟陳編

題方葆巖中丞青溪放櫂圖

青溪放棹誰貌圖少年公子千里駒只今楫屨遍海嶽
當時白晳丰且都公家宮保督畿輔石麟抱擁

天脚踏桂橈蘭櫂木枝唱珠簾十里秦淮湖天公要使
鍊奇骨照鏡忽改雪潤膚揚颿海島敲颺鯉鬻鹽津淀

澄冰壺青海廓喀遠磨盾直轅大隧中鈴樞八州都督
何足道要令周召風麟虞憶我交公自庚戌汪劉要我
譚維姬知公胸中有星斗懸河洗甲援鰥劬高論三立
期不朽淨斂十雨歸虛無

讀大學二首

大學言明德知至兼知終格物有本末身爲萬物宗意
乃心之幾愼獨動靜同家道推薄厚絜矩天下公上以
敬天命下以揆民衷而尤辨義利以維仁道窮綱目何
非井條理此貫通知本者在茲何待補天工
不明何以誠不知何以行所以子朱子格物求其精譬

如較白黑不算負不贏譬如適東西不開路則旨務大
非務細先後非盡程格致亦無量誠正亦無成昔者吾
子路聞行如交征意得可忘言朱王何用爭吾師紫陽
旨釋義非補經

讀太極圖說

陰陽何所始太極本虛無五行一變化萬彙遂蕃蕪人
心法天地夜氣平旦初氣機信而微斗柄運天樞聖人
曰主靜美妙難形模善反歸其極性命常如如

讀西銘

乾坤吾父母其在氤氲元虛空繼之善順受成性存凡

民皆昆弟庶物亦簠塤養吾大父母仁者先親親由是
等而殺禮爲之節文篤近而舉遠一視同其仁還吾本
來物上謁元始尊有物與吾一是曰象帝先

讀顏子所好何學論

覺者性其情妄者情其性是以舉其目非禮先自屏見
聞爲之先出內握其柄知幾與守爲百動歸于靜四勿
卽四無通于審則聖好學無他求心齋空如鏡

讀定性書

天地心無心聖人情無情行生默不言適莫我何成春
至花有色水去流有聲喜怒哀觸卽忘好醜鏡過明恬澹

吾非與虛空廓不盈是爲性其性惟定胡弗澄

讀金剛經

佛說度衆生實無一滅度天地彼何心一元忽流注所
以古至人孜孜爲民乳其如生紛紜雷霜更雨露孔子
夢東周老子出關去神人與天合誰體萬欲惡浩浩終
虛空亶亶從先悟

讀常清靜經

氤氲浩無質日月互交光人于大化中呼吸隨翕張有
形卽有感智慮乖厥常誰能默返觀清靜和陰陽陰陽
本至一有無同混茫得之強以名虛空不可量

讀胎息經

無形結有胎真精伏有物知雄守其雌杳冥邁髣髴神
入氣爲主原泉涌渾沸心不動于外細意火自熨呼吸
直到踵龍伸而螭屈久久得常住可以希仙佛

臘八日喜雪

聖禱月逾半

天慈花散空青消千佛界劫解九微宮冬煖凝陰肅春
熙布澤融穹霄萬玉女剪刻費神工

是日申時雪至夜半止積三寸餘明日繼作

天人合一旬齋三

九宮發號騰武魁傾耳聆聲滴漏靜更僕候報霏花撲
擁衣坐淡窗白晶地鑪煨煖醇醑酣甦肥沴釋喜氣翕
短衣布褐寒啼鰭磐陀一心化萬界彌綸無術空懷慙
五更病起還自哂樂與憂與誰同參

讀柳河東集

魏郊有野夫起家開寶年自名曰肩愈厥字曰紹先韓
柳宗賢詰古理非詞艱易名進曰開仲塗如矢弦竊比
之巾子子雲溯淵騫習之道其前歐陽振其肩惜乎補
亾亭復古今不傳茲人實有志衛道亦卓然

紅茶

山茶出南國移根到朔林殷紅美無度絳袖朱丹襟煖
火熨洞房不與霜威侵高枝俯衆嫵不畏謠詠淫明君
歸夜月環佩宜盍簪春風桃李蔓佳人脩竹心

蠟梅

蠟梅珍磬口精婢袂亦良雖非金屋貯嬌冶含芬芳我
觀衆香界濃淡何較量梅花淡無言汝性穠自裝菲菲
襲鼻觀綠衣閒黃裳聊作空假觀邢尹何低昂

天竺

天竺來西方結實何陸離滿林燦舍利丹圓如珠璣以
茲喻淨因何成復何虧陀陀圓者性灼灼光不緇草木

尙如此誰爲人天師

海棠

海棠棣之族花發何爛然春葩熱天燄秋實仍丹圓杜陵偶未詠遶石疑唐賢毛詩辨草木棠華何禮鮮我於物名實不解分別觀逝將適汝性移種畦隴邊

淺紅梅

牙緋露紺袖自有天人姿輕寒映肌艷香御來遲遲是于芳色間不著粉與脂素絢自矜重頰慍薄自持淡裝與濃態掩映西家施

素碧桃

襪桃淨如此縞衣亦素心蛾睂彼玉女清靜何惜惜飄
然塵世外蓮女雙樹林如如爾何來露影不可尋相對
可默悟無隱香沈沈

改歲劉石菴相公

八十

紀曉嵐宗伯

八十

王惺園

相公

八十

徐樹峯宗丞

八十

磐陀居士

七十

共四百

四歲訂于正月四日作五老會先紀以詩

石菴擅書藝前身董香光當今能者誰

成王山舟梁

鼎足稱三家希晉宗子昂人世娑婆界禪悅心清涼老
而亟問道黃耆方未央華蓮尚可擷勞山足常羊他年
一挹袖海水清可量

宗伯河間姁口吃善著書沈浸四庫間提要萬卷餘抑
揚百代上浩博衡錙銖是爲脈望蟬神仙吞丹符食肉
不食粟清濁同一盂非眞佛不度憑君意躊躇

韓城何竭竭正色端厥躬不苟亦不吐雅有山甫風五
典南省試桃李蹊成蹤其門冷如水典衣喜春融七八
請告歸舉案膠枝紅扶杖更肩輿來謁

天九重實學本魯齋甲第紹武功

珪嘗言公學問似王文憲科名似康對山

懿戒進不已希賢有沂公

宗丞老封疆八旬尙矍鑠手抱新雛嬰顧盼綽綽約公
豈豐于天我則守吾泊想當盛壯時揮斥埽跡躋履尾

不敢唾玉關天寥廓竭來卿月清光景嗜葵藿同年如
晨星舊雨燈光焯吾衰甚矣夫猶記舞象勺

謂翁覃溪
鴻臚發科

年才十五來年
亦七十三矣

磐陀亦老人默默守黃庭戒酒吾不飲茹菽酸齋馨竊
從五老後日月流春星四百有四歲四筴初開冀明朝
春始發今夜斗轉扇新新不冝住觀河性自熒相看鏡
中髮何必重青青膏露天自渥饘鬻心獨銘

嘉平廿四日送詩藁代柬而石菴無病長逝矣壽
終八十五前會竟不可踐傷哉哭之以詩

人命本無常公行眞脫屣當年文正公先後同一揆公

今聞道乎去來亦可矣遙知華山路玉井西方比杭珠
爲前導素女亦迎侍升堂謁喬峯回顧見愛弟拍手歸
去來吾言非欺子

二十六日辛巳

御書大福字于

乾清宮

賜

臣

珪恭紀

錫福辛朝第八人

前有五王
兩大學士

一天喜氣捧

絲綸

親濡墨海龍池潤濃映瑤墀鳳藻新三白先春方兆瑞

四和啓乙更符仁

臣叨

膏澤敷陳悃惟祝

宸心不息純

讀文藪

鹿門有醉翁名與甫里偕松陵迭倡和文藪羅鯖鮓起
家咸通中晚節凝枳槐或云歸吳越有子相紫黿觀其
立孟韓卓論端模楷落落唐季世倥偬堪偶儕

知足齋詩續集卷一